

Provincia Toletana.

---

[urn:nbn:de:hbz:466:1-67132](#)

PROVINCIA  
TOLETANA.



**G**VNT In Toletana Provincia de  
Societate quingēti et quinquaginta  
quatuor. In Toletana Professorum  
Domo tres et quinquaginta. In Pro  
bationis Domo Villaregiensi duode  
septuaginta. In Complutensi Collegio centū & de  
cem. In Toletano quindecim. In Placentino duode  
quadragesima. In Huetensi duodetriginta. In Secu  
ritano vndeclim. In Carauacensi unus & viginti. In  
Belmōtensi sex & viginti. In Naualcarnerensi se  
ptem. In Occaricensi septendecim. In alijs idem qui  
superiore anno numerus. Mortui sunt vndeclim. Ad  
missi septendecim.

TOLETANA PROFESSORVM  
Domus, & alia quædam Collegia.

**P**ROFESSORVM Toletana Domus anti  
quum suum consulendi animis studium & pie  
tatem obtinet: cuius rei facultatem satis amplā con  
fidentium multitudo suppeditat; quibus assidue Sa  
cerdotes triginta dant operam. Perceptæ militari

argumenta non colligam, nisi rerum, quæ inciderint dignitas flagitauerit. Susceptum est iter non in finita tantum loca, sed etiam in remota. & in ijs. quæ solent, animis allata subsidia. Animorum autem causa, sua quoque obsequia sunt tributa corporibus, & piorum humanitate, in opum sustentata mendicitas.

C O M P L V T I nostram decorauit Academiæ Philippi Regis aduentus, qui cum Serenissimo Principe alijsq. nobilibus viris, theologicis interesse disputationibus voluit. exceptus est carmine Latino Hispanoq. permulto, & aptissimis hieroglyphycis, que regiæ maiestatis laudes, filijq. Principis continebant. & quamquam hæc nostri tarde moniti potius effuderunt, quam elaborarunt; tamen usque eò probata sunt, ut exempla sibi multi requererent. Regem autem ipsum, qua comitate & facilitate in omnes est, quam delectarint, testata est in redditu eius oratio, & per honorifici de Societate sermones. Sodalitas quæ in subsidium publici carceris superiore anno sumpsit initium, præclaros habet Deo faveante progressus. attulit incrementum Pontificiæ indulgentiæ munus, quam ijs qui Confessionis, Communionisq. expiati mysterijs in eâ se conferunt, elargitur. Gratiarum reconciliationes fuere frequentes, sed graues inter viros una præcipua: è quibus discordie principes cum in eadem maximam nostris auctoribus conuenissent, operaq. concionatori nostro dedissent, latis postea sese amplexibus, id quod vehementer admiratus est populus, excepérunt. Nostrarū meditationū presidio copiosus presertim ex academicis colle

collectus est fructus. Erant inter eos, qui ceteris suo exemplo vehementer obessent, sed admota quā diximus curatione, plane sunt immutati: ut publica iam Academia miraculo sint. Præcipue tamen admirationi fuit cuiusdam insperata mutatio, qui cum minus commodis esset moribus, & pœnam capiū incurrisset, vim publicam semper euasit. hunc agressi nostri, & eius comprimi posse ferociam exercitorum lenitate potius, quam supplicij formidinē rati; breui eum alterum reddiderunt. nunc frequentandis Ecclesiae mysterijs, pietatem colit in primis, exemploq. est omnibus qui offensioni ceteris erat.

M A D R I D I A N I Collegij labores non exiguae concionibus fructus ferunt. Quatuor ferme de nostris apud frequenter populum uerba faciunt, uocanturq. eius rei causa ad Aulam, cum apud Regem, tum apud Imperatricem nonnumquam. Atque hæc quidem ædem nostram suo illustravit aduentu, ingressaq. templi sacrarium non obscuras sua in nos pietatis, ac benevolentie significationes dedit: quam & re ipsa quoque cum facultas sese obtulit præfert. Multi hic quotidie reducuntur ad frumentum, multa uitia curātur: sed commemoratione, quæ sunt iam trita, non egent. Tenetur consuetudo subleuandi publici carceris ac ualeudinarij: nec deseruntur qui ducuntur ad mortem. Atque ut multa conferantur in pauca, cuiuscumque muneris spectetur utilitas, secundo cursu, quod ad rem interiorem attingit, fluunt omnia.

MVR



MVRCIANVM ET PLACEN-  
tinum.

**M**VRCLAE institutū est Annunciatæ Vir-  
ginis nomine sodalitum. sunt in eo sodales  
ducenti & quinquaginta, & quidem ex omni homi-  
nū genere ac cōditione, qui vel sacerdotio sunt prae-  
dicti, vel doctrinæ titulis, generisue nobilitate præ-  
stant. nemo in id adscribitur, nisi antegressa vite  
peccata confessus: expiantq. se fere omnes octauo  
quoque die: & quo tempore bacchanalia plebs agi-  
tat, in tanta morū licentia è sodalium cætu complu-  
res, deliciarum luxu contempto, publico valetudina-  
rio ministrant. Nec vero in eorum institutis laude  
minore dignum est, quod pauperibus quinquaginta  
ex ijs, quos carcer tenet, partim suis, partim corrogas-  
tis pecuniarum subsidijs, quotidianum cibum præ-  
bent. dantq. interdum operam, ut componendis in-  
clusorum litibus, ex ijs tenebris emittantur. Sed ex  
eternis tenebris alius est, ut speramus, erexit, flo-  
rens opibus ac nobilitate: cuius vita cum esset om-  
nibus offensioni, graui eum Deus atque ancipiti mor-  
bo prostrauit. nec tamen veniebat in mentem, confi-  
tendo peccata ponere, & diuinum sibi iudicem tot  
irritatum offensis pœnitentia placare. itaque uno  
cursu mortem geminam incurrebat. Id nostri  
cum accepissent, de laborante animo, & iam præci-  
pitante solliciti, voluntarijs primo verberationibus  
studiosisq. precibus Deum placant: deinde persuade-  
re conantur, sibi ut æger consulat, & curationē con-

K confessionis

fessionis admittat: agi de æternitate, & in vnius horæ momento positum esse aut gaudium, aut interitum sempiternum. ubi multa in hanc sententiam di sputata sunt, redire vñsus est æger nonnihil adesse & aliquantulum emoliri; dum ad extremum nostris vrgentibus manus dedit. dolere vicem suam grauiter caput, & in summa superioris vita detestatione, spem concipere diuinæ venia. inchoat ab ultima aetate peccatorum enumerationem, & vitam percurrentis vniuersam, quicquid fædi latebat, effundit. ita sub Eucharistia sacramento Filium Virginis suscipit. atque hic illi ad vitam patefactus est aditus, quam non ita multo post non sine eorum, qui eum nouerant, spe atque admiratione, putatur adeptus. Carthagena Episcopus quo laudabilius in suo munere & cura uersetur, Societatis opera ualde uititur. Episcopi autem diœcesim obiere Sacerdotes duo: totidemq. cum regia classe Mediterranei; cuius Præfektus nostri ordinis studiosus, ut militum saluti prospiceret, ex eadem sibi Societate exsimia uit petenda esse subsidia.

PLACENTIAE itum est obuiam publicis persæpe malis irisq. non paucis. Orta erant inter duos primarios viros graues inimicitiae, propinquitatibus utrinque fotæ: ut non facile excitatum semel incendium uideretur posse restinguï. sed proprio Deo, pijs nostrorum contentionibus est effectu, ut dexteræ uingerentur, & quo constantior esse comparsio gratiarum, ea præsente Episcopo, interposito iurejurando sinciretur. Sed ad domesticos

frw-

fructus, ne singula percurramus, accesserunt exteri-  
ui, qui quidem domesticis nec copia nec vbertate  
concedunt. Inspecta est Episcopi diœesis, aliaq.  
nonnulla oppida, cum utilitate mirifica. Gatae au-  
tem, quæ sunt loca in montibus sita, ubi inscitiae den-  
sa nox est; non modo usitatis animorum curationi-  
bus, Christianaq. doctrina, sed stipe etiam ac pecu-  
nia, quam ad leuandam miserorum inopiam Corien-  
sis tribuebat Episcopus, consultum est. Verum  
ne in rebus similibus multi simus, ex quotidianis ac  
communibus multa mittantur.

TALABRICENSE ET RELI-  
qua Collegia.

**I**N TALABRICE NSI Collegio ad pri-  
stinas Gymnasii scholas accessit earum que-  
stionum, que de officijs incident, explicatio, ma-  
gno auditorum plausu atque concursu. Quod ad  
animarum commodum pertinet, conuerterit se Ma-  
hometanus ad Christum, cuius non modo conuer-  
sionis autores, Deo comite, nostri fuerunt, sed etiam  
perfectæ institutionis & Catechesis: ut in ea re ve-  
terum Christianorum magister haberi queat.

**E**CARAVACENSI Collegio ad confir-  
mandas migrantes è suis corporibus animas sepe  
nostris vocantur. quo in munere illud accedit ad-  
mirabile. Cardiacus quidam pastor sextum circi-  
ter & decimum natus annum, cum in ignem mor-  
bo vrgente se conieccisset, crus vtrumque combussit.

K 2 VOCAN-

uocantur de more adiumenta nostrorum, qui & ani-  
mi saluti consuleret, & laboranti, solatio essent: quo-  
rum aduentu ac cohortatione acres illos dolores na-  
de ille placide sedateq. tulit: cumq. animum purga-  
set, & necessarium Eucharistiae viaticum percep-  
set; hora noctis nona factus hilarior, integris sensibus  
& sana mente, Concedite his, inquit, locum (quink  
enim adeesse Angelos affirmabat) cum his mihi ho-  
ra decima est abeundum, quae cum affuit, candel. lu-  
mine postulato, ingentiq. gaudio IESV nomen  
usurpans, è corpore uti dixerat, auolauit. Quidam au-  
tem appropinquante morte uir doctus, nō minus so-  
cietati nostrae beneficus quam amicus, suas nobis  
reliquit aedes aureorum pretio bis mille: id quod ce-  
cidit commodissime, cum ibi nostras meditemur ex-  
struere. Et quoniam adeo in nos liberalis est Deus,  
ut tot nos commoditatibus augeat; curatur uicissi-  
sim à nobis, ut quoad eius fieri potest, proximorum  
necessitatibus seruiamus. nam cum magna hoc anno  
sterilitas fuisset agrorum; nostri per piorum subsi-  
dia multis egentibus leuationi fuerūt. Aliquā enim,  
nostrorum uoce permoti, syngrapham, unde in fame-  
licos exigeretur argentum, afferebant. Alius autem  
singulis hebdomadis de suo pecore armentisq.  
etabat, quae in cibos pauperum distribueret. De cel-  
la quoque horreisq. publicis suppeditatum egenis  
est, eaq. ratione non tam corporum quam animo-  
rum saluti prospectum; dum peccatorum ac scelerū  
materia subtrahitur, quā suggestit plerumque men-  
dicitas.

E 18-

E A D E M inopum procuratio in Naualcar-  
neriensi, & Conchensi Collegijs. Eadē in Probatio-  
nis Domo Villaregiensi. Huius autem Domus  
Fundator & quasi parens Ioannes Paciecus inte-  
rūt. cuius p̄eclarus ē vita discessus satis nobis,  
quanto viuus amore nos prosequeretur, ostendit. is  
cum iam antea huius tirocinij re fortunisq. fundan-  
dis spem promissorum longo intervallo superasset;  
postea moriens, ad eius sustentationem, quidquid po-  
tuit, perbenigne reliquit. ac priusquam exiret ē  
vita, diuino consequitus est beneficio, vt templum  
illud, quod suis præcipue sumptibus exstruebat, tan-  
tum non viderit absolutum. affuit morienti Prouin-  
cialis pater, eoq. iubente supremum illi officium ri-  
tu solemni fimebriq. pompa persolutum est.

I N B E L M O N T E N S I Collegio nunc  
primum cæpta est tradi magna cum nostrorum, tum  
externorum frequentia philosophia.

I N S E C V R I T A N O autem fundamenta  
iacta sunt templi, quod tuenda augendæq. multorū  
pietati, vt initiorum ardor ostendit, futurum est  
adiumento.

I N H V E T E N S I Collegio philosophie  
spatio feliciter absoluto, institutum pro ea est poli-  
tioris doctrinæ gymnasium, lectiq. de nostris aptissi-  
mi, qui his se se litteris ad elegantiam expoliant.  
Ceterum nihil ex antiqua iuuandi homines conten-  
tione remittitur. Atque vt placata mittamus odia,  
qua & grauia & acerba fuerunt; ex auditis re-

K 3 missaq.

missisq. peccatis, non tenuis manauit vtilitas. Locus  
uples matrona moriens sacerdotem de nostris (ex  
his enim ad confessiones adhibere solita est) eu-  
cauit. huic par erat fratum non eadem religio-  
ne ac probitate qua soror, qui cum venientem pa-  
trem vidissent, subita suspicione incensi, ne is mo-  
rientis opibus inhiaret, contumelijs onerant, & ex  
aedibus exigunt. pater animo & quissimo reddita  
ratione aduentus sui, persuadere conatur, quam alie-  
num sit ab institutis nostris, quæsita vtilitate ali-  
qua, animorum saluti seruire. sed cum illi se se-  
lenire non possent, cedendum recenti tumori Pa-  
ter existimæs domum redijt. triduo vero antequam  
femina moreretur, eorum alter religione talus, ve-  
nit ad Patrem, stratusq; supplex ad pedes, veniam  
petijs, & vt sororem visceret, priusquam vita exce-  
deret, exorauit. desituta iam voce feminam Pater  
offendit, sed cum præsentem Patrem apergit, vocè  
prælatitia recepit: expiauit animum: nec ita multo  
post placidissimo iustorum somno est consopita. Al-  
ter vero frater non modo suum ipse facinus non  
agnouit, sed filium quoque monuisse dicitur, ut So-  
ciетati quocumque loco posset, male consultum uel-  
let. quæ impietas impunita non abiit. nam cum  
paucis ante diebus ualens atque integer uisus esset,  
& uitam simul, & hæreditatem, quam quarebat,  
amisit. obseruata uis est diuini supplicij, id quod  
illi ante prædixerant, qui sic instituentem liberos  
audierant. Atque ut planius intelligatur, si non-  
dum satis intellectum est, quam hanc confirmandi  
migran-

migrantes animas consuetudinem Deus approbat,  
silentio præteriri non debet, quod de Sacerdote no-  
stro, religionis officijq. laude præstante nuntia-  
tum est. Is diuino consilio tum maxime in mor-  
bum incidit, cum satis belle se haberet. & quam-  
quam medicorum sententia nihil in eo morbo puta-  
batur inesse periculi; is tamen exploratum sibi esse  
dicebat, eo sibi pereundum esse. cum medici nega-  
rent, ille tamen affirmaret, & in eo perseueraret;  
Rector amotis arbitris hominem rogat, unde tandem  
id haberet exploratum: respondit, se ad quemdam  
exuentem de vita biduo ante cum accessisset, mul-  
tumq. ad Ecclesiæ recipienda mysteria in eo cohor-  
tando frustra sudasset; tandem ad sacrificium disces-  
sisse: in eoque dum filium Dei gereret inter manus,  
supplicasse Patrem per Knigenæ sanguinæ, ne hominæ  
sine sacramentis sineret interire; seque. & suum ca-  
put pro eius deuouisse salute: continuoq. sibi visum  
esse Deum; & quod postulasset concedere, & quod  
obtulisset, accipere: Sacrificio autem vix peracto,  
illum clamare capuisse, ut confessionis causa sibi Pa-  
ter adesset. qui cum affuisset, hominem q. absoluisset,  
tum pie illum è vita horæ circiter intervallo mi-  
grasse. quare æquum nunc, inquit, est, ut promissi  
munus exsoluam, quo quidem incredibili cum volu-  
ptate perfungor. itaque ad eam horam, quam supre-  
mam sibi esse compererat, se comparans, cessit è  
vita, non minore suo gaudio, quam Cœnitatis exem-  
plo.